



## SIPA hapsila po Tuzlanskom kantonu Krivotvorili i puštali u promet po 500 eura

Policijski službenici Državne agencije za istrage i zaštitu (SIPA) jučer su, po nalogu tužitelja iz Posebnog odjela za organizovani kriminal, privredni kriminal i korupciju Tužilaštva BiH, na području Tuzle i Tuzlanskog kantona proveli akciju kodnog naziva Titanium, u kojoj je uhapšeno sedam osoba zbog krivotvorenja novca. Kako je rečeno, akcija je rezultat višemjesečne istrage Tužilaštva BiH protiv osoba osumnjičenih za organizirani kriminal i krivotvorenje novca, a provedena je u saradnji sa službenicima MUP-a TK-a.

- Cilj akcije je otkrivanje i procesuiranje organizirane kriminalne skupine, čiji su pripadnici više mjeseci vršili kaznena djela krivotvorenja i puštanja u promet krivotvorenih novčanica valute euro, u apoenima

od 500 eura, u TK-u i cijeloj BiH, kazao je Boris Grubešić, portparol Tužilaštva BiH, te dodao da je pretreseno devet lokacija i uhapšeno sedam osumnjičenih osoba, koje su predate nadležnom tužiocu.

Nakon ispitivanja će biti donesena odluka o pokretanju prijedloga za određivanje mjere pritvora ili zabrane.

Kako nezvanično saznajemo, službenici SIPA su uhapsili Adnana Canovića, zvanog Cana, iz Tuzle, rođenog 1989, i Miroslava Pranjića, također Tuzlaka. Oni se sumnjiče za trgovinu drogom i falsifikovanje novčanica u Tuzlanskom kantonu. Canović je od ranije poznat policiji. U decembru 2011. uhapšen je sa Mercedesom Hadžićem, poznatijim kao Mirso Švicarac, i Zoranom Mar-

kovićem iz Beograda, a nakon što je tuzlanski advokat Faruk Balijagić prijavio napad na njegovog sina Adnana. Kasnije je Canović doveden u vezu i sa napadom na kuću Balijagića. Negirao je bilo kakvu povezanost s napadima, te je govorio da mu je Mirso Švicarac rođak i da je zahvaljujući njemu postao uspješan sportista - četverostruki prvak BiH u klasičnom boksu i tri godine član U reprezentacije.

Nezvanično, u jučerašnjoj akciji je uhapšen i vlasnik firme Ljaljić turs iz Čelića, koja se od 1994. godine bavi prevozom putnika. Policijski službenici su pretresli i sjedište firme u Čeliću. Inače, ova firma prevozi putnike na redovnim autobuskim linijama u TK-u, ali i BiH, te vanredni prevoz u zemlji i inostranstvu. Kako



Uhapšen Adnan Canović, rođak Mirse Švicarca

nam je rečeno, svi uhapšeni su jučer odvedeni u službene prostorije SIPA u Sarajevu. Navodno, krivotvorene novčanice, koje su uhapšeni puštali u promet u BiH, stige su iz inostranstva. Predmet ove akcije su bili i izvjesni Alen Josić Marušić i Anel Jašarević. No, prema posljednjim informacijama, oni nisu pronađeni na traženim adresama. **S. KARIĆ**